

5 Къюб маш гъяйир махъан!



6 Чухсагъул пуз аьгъду жилир



7 Гимихъ



НА ТАБАСАРАНКОМ ЯЗЫКЕ

МУСУРМНАРИН ГАЗАТ

Вагъгъабистари халкъ члур аплура!

Цанитил гъулан имам Аслан халуьихъди ва дурарин мистагъ диндин дарсар киврайи мялимдихъди вуйи ич сюгъбат

Ухъуз варидариз мялум вуйи-ганси, ихъ Табасарандиъ гизаф адлу алимар гъахъну. Фукъан читин вахтар гъахънушра, дурари, Ислам дин тарабгъури, чпиз аьгъюб жарадарихъна рубкъури гъахъну. Гъадму ляхин себеб вуди чпи имдаршра, дурарин тялимари ихъ Табасаран халкъдиз гъи гизаф мянфяаьт тувра. Гъацдар аьхю аьлима-рихъди аьлакьйир хъуб къисмат дубхъну, дурарикан берекет гъадабгъдарикан сар вуди Цанитил гъулан имам Аслан халу ву. Чан яшариз дилигди, Аслан халуи аьхиримжи вахтаназкъан гъулан имамвал аплури имийи.

халуьин къюфлетариз гъилигиган, йиз гафар хъанара артухъди гасдикъ шула.

- Аслан халу, сабпи нубатнагъ ихъ халкъдиз увкан ва яв хизандикан мялумат тувдихъа.

Йиз гъамус 86 йис дубхънайиз. Йиз уьмур уставал аплури гъубшну. Жигъил вахтар лапра читнидар вуйи. Узуз айир сар чи вуйиз. Думура швуваз гъухган, хулаь кюмек хъуз клури, узуз швушв аплуз йикърар гъаплнийча. Саб гъафтайилан, узуз швушв хуз клури айи вахтна, дада кечмиш гъахънийи. Гъацци вушра, швушв гъахънийча. Сумчир аплуз кюмек вуди колхоздиан 20 кг мюрх тувнийчуз. Гъацдар читин вахтар вуйи. Магъа учу сатиди яшамиш шули 67 йис ву. Учуз 15 велед айчуз. Дурарикан 5 велед бициди имици кечмиш гъахъну. Имбудар 5 байна 5 риш ву. Магъа узлантина варжтган артухъ худлар-гудлар гъахъну,

Мевлюг аплуз хай шулинхъа!

Мевлюд аплувал ужудар ляхнарикан вуйивализ далилар

Амир Мевлютов

Огни шагърин медресейин мялим

Гъюрматлу мусурман гъардшар ва чйир! Гъи, ухъу яшамиш шулайи вахтна, къюб «бици китаб» дурхну, чпиз чпи фу клурашкъан аьгъдарди, диндихъди саб жюрейин аьлакьа адру гафар аплури, насигъятар тувру инсанар удучивна. Гъарсар фикирлу мусурмандиз дурар фужар вуш, дурарин метлеб фу вуш, дурар шлин къушмар вуш ва дурари шлин политика гъабхураш, аьгъяди ву.

Дурарин ният саб ву: ихъ марцици Ислам дин тланкъ аплуб, ухъура чпиз мютлюгъ аплуб, ва гъякъ мусурманар гъаргандиз вуйи луқваликк ккауб. Фукъан дурар чалишмиш гъахънушра, му ляхин дурарихъан тамам аплуз гъабхъундар ва Гъиямат йигъазкъан хьибдира дар. Дурарин къушмариз зиихъ ухъу гъапи «бици китабар» гъурху ксар дахил шула. Гъацдар диндин жагъилвал-савадсувал айидар ишлетмиш аплури, дурари ихъ диндиз манигъвал туври, диндиъ адру цийи месэлийир адагъура. Месэла, дурари клура: Кечмиш гъахъирихъ Къур'ан урхуз хай шулдар; Пайгъамбарихъна тавассуль мапанаь; гъудгнихъ азкара урхуб герек дар; устазар,

» 4

Я Аллагъ ﷻ, йиз илмин аьгъювалар артухъ аплин

Рамазан ибн Аьбдуллагъ ал-Цуритли (1858-1930 й.)

Аллагъу Тааьлайи гъапну: «Аллагъди ﷻ учван иман ва илимдин аьгъювалар айидар заан дережайиз адагъиди. Аллагъу Тааьлайиз учву аплуб ужуди аьгъяди ву» (Сура «Аль-Мужадила», аят 11). Аллагъу Тааьлайи гъапну: «.....ва йип: «Я йиз Аллагъ ﷻ, узуз илмин аьгъювалар артухъ аплин!» (Сура «Пагъа», аят 114).

Аьбдуллагъ бин Уьмари гъапну: «Узуз гъеебхъунуз, Расулаллагъди ﷺ гъапну: «Узуз нивклуьди узухъна никк айи бети хури гъябкъюнуз, ва узу

думу уьхъури гъахъунза, думу гъубхънийза гъадму вахтназкъан, гъеле лиг йиз тубарин шибарикан шид ккудубчвайиз, гъубзуб Уьмар бин Хатлабдиз тувунза». Халкъди гъерху: «Уву думу нивклуз фициб мяна тувунва, я Расулаллагъ ﷺ?». Дугъу гъапну: «Думу илимдин аьгъювалар ву».

Рамазан ибн Аьбдуллагъ ал-Цуритли «Я Аллагъ ﷻ, йиз илмин аьгъювалар артухъ аплин!», клуру ксарикан вуйи. Думу 1858-пи йисан Табасаран райондин Цурутл гъулаь Жавар клуру тухумдиъ аьлим Аьбдуллагъдин хизандиъ бабкан гъахъну.

» 5

Лукъман пайгъамбарин ﷺ васият

Увуз гунгъар аплуз ккун гъабхъиган, Аллагъдиз ﷻ ва малаикариз дяржкъру йишв абг, эгер дициб йишв ади вуш.

Рашид Аьлимурадov

Огни шагърин медресейин мялим

Гъямд ибши сар Аллагъдиз ﷻ ухъу мусурманари халкъ аплувализ! Гъюрматлу мусурман гъардшар ва чйир, ухъкан гизафдариз ухъу фу бадали халкъ дапнаш киваьлан дубшна. Амма му ухъу асас фикир тувну ккуни ляхнарикан ву. Ихъ ватанагълийириз думу ляхникан киваин аплбан бадали, Аллагъдин ﷻ амриинди, Лукъ-

ман пайгъамбари ﷺ чан бализ гъапли васиятнан кан ктибтидиза.

Лукъман пайгъамбариз ﷺ чан аьхир багахъ дубхънайиваликан аьгъю гъабхъиган, чахъна чан бализ дих аплуру ва клуру: «Я йиз бай, узу увуз гизаф ляхнар васият аплурдарза, васият аплурайидар йирхъуб ляхин ву ва дурариъ ккебгърударинна, ккудукрударинна илмар уч дапна:

1. Гъаму дюн'яийин уву яшамиш шу къадартган машгъул махъан;

2. Аллагъдиъ ﷻ яв фукъан мюгътаж'вал ади вуш, гъадму къадар Аллагъдиз ﷻ ибадатвал аплин;

» 6



Дугъан уьмрикан ва думу гъушу ихъ Табасарандин адлу алимарикан мялуматвал гъадабгъуб метлебниинди, узу улихъна йигъари Цанитил гъулаз гъушнийза. Фукъан инсанари ихъ Табасаран халкъдилан жорбежур гафар клурушра, гъафи хялижвувахъна Табасарандиъсиб гъюрмат жара йишварий а клури, хиял шулдар. Аслан

шюкюр Аллагъдиз ﷻ. Дурар вари гъаму-сяаьтна гъарур чпин йишварихъ саламат духъна. Ургур веледра ади, сану бай кечмиш гъахънийиз. Аьхюну бализра 10 велед а. Сар бай Огнийиъ яшамиш шула, ва дугъазра 7 велед а.

- Имамвал филадихъанмина аплурава ва думу ляхин аплуз читинди дарин? » 3

Редакторин колонка

Швушв аӀуз ккундуз!

Ассаламу алейкум, гъюрматлу мусурман гъардшар ва чйир! Гъямд ибшри сар Аллагъдиз ухъу гъаму дюн'йийина халкъ апӀбаз ва ухъу Чан варитлана ккуни лукӀран-Мугъяммад пайгъамбарин умматдикан апӀбаз.

Аллагъу Тааълайи ухъу гъярмвалихъан урхъбан бадали гизаф рякъяр ачмиш даӀна. Дурарикан саб вуди швушв хувал гъисаб шулу. Аллагъу Тааълайи Къур'андиъ дупна: «Никагъ-динди сатӀи апӀнаиъ ичв арайиан швувахъ хъадру дишагълийирна жилар».

Ислам диндиъ швушв аӀувал ахъю вуйи суннатарикан гъисаб шула. Пайгъамбари чан гъядисдиъ дупна: «Эй жигъилар, учвкан фунурин швушв хуз къувват, дакъатар ади вуш, дугъу думу ляхин апӀри, дугъриданна му ляхни улар марцц аӀуру, аьврат марциди уьбхюру, хъа шлихъан шулдарш, дугъу ушвар дисри, дугъриданна диди шагъватӀ яваш аӀуру». Гъаму дупнайибдиан жигъиларин вахт хъубси ухъу му суннайиз дилигну ккунивалин гъаври шулхъа. Хъа узуз му макъалайиъ пуз ккундайиб жараб вуйиз, фици думу ляхин даӀну ккундуш ва, фици гъапӀиш, ужу вуш?

Ухъуз аьгъюганси, гъамусяагъ думукъан рягъят вахтар дар, ва гъякълу дишагълийир агуз-ра йигълан-йигъаз читин шула. Гъаци вуйиган, ухъу думу ляхниз лигӀруган, ихъ абйир-бабарихъди сатӀиди, мисляаьтнинди, дурарихъанра думу ляхникан гъерхри духъну ккунду, закурин йигъан ухъу швумал дархъбан бадали. Ихъ вахтари саспи жигъилариз чпи кӀурайиб гъякълуди, хъа имбудари кӀуруб вари кучӀалси рябкъюра. Гъайифки, му ухъу гъапи ляхнариз гъамус жигъилари лапра цибтӀан фикир тувурдар. Хъа швушв ктагъруган, фикидар дюшюшариз фикир тувну ккунду? Му суалназ жаваб ухъуз Пайгъамбарин гъядисдиъ бихъура. Пайгъамбари гъапӀну: «Швушв ктагъувал 4 жюрейин шулу: дугъан утканвализ дилигну; диндин терефназ; девлетназ ва дугъан тухмиз дилигну, хъа мура-рикан асас фикир тувай диндин терефназ». Дугъриданна, эгер ухъу диндин терефназ дилигну му ляхин тамам гъапӀиш, ухъуз берекет айи уьмур хъибди. Саспидари швушв апӀбалан къяляхъ читинваларихъ ахъунчу, фу даӀну ккунду, кӀуру суалар туври шулу. Вари Аллагъдин амриинди шулайиб ву. Хъа ухъу сабур аӀувалиинди, ухъин алиб даӀну ккунду.

Узу швушв аӀруган, йиз абйир-бабари махан кӀурайи риш гъахнийза, магъа гъамус швумал духъназа, эгер узу думу вахтна дурари кӀурубдикан фикир гъапӀнийиш, мициб гъялнаъ хъидайза, кӀури, сар кас гъаразнаъ айи. Гъи гизафдариз абйир-бабари кӀуруб къабулдира шулдар, амма дурари кӀурубдик гизаф мянфяаьт шулу. Сар абайикъан чан веледдиз харжиб ккун аӀурдар аьхир, гъаци вуйиган, фикир тувай дурари кӀурубдизра, хас вуди швушван гъякънаан улхруган. Аба-бабу ухъухъ гизаф зегъмет зигуру, гъаци вуйиган дурариз ихъ багахъ шулу касра ужур, ахъюр-бицӀир аьгъю ксарикан вуйир духъну ккунду. Ухъу дурариз гиран ктаӀувалихъан ярхла духъну ккунду. Саспидари абйир-бабариз, учвуз узу ккундарчвуз, эгер ккундийиш, узу кӀурубдиин рази хъидийчва, кӀури, дурарин къваз иццрушин тувру.

Абйир-бабарира, чпин веледдин вахт гъабхъиган дугъаз дикъатнаан фикир тувну ккунду. Хулар апӀайиз, ясана машин гъадабгъайиз дугъужвну ккундар. СацӀибкъана думу ляхин аӀуз къувват ади вуш, къан дарапӀди лигай ичв веледари кӀурайибдиз. Му учв'ин али фарз ву, гъюрматлу абйир-бабар!

ansarassalam@mail.ru

Медведевди Кавказдин шагъидариз ишгитвалин орден тувну



21-пи февральиъ ихъ шар дурарин багахълуйи-меркез Москвайиъ диндин душмнари йивну гъийиху шагъидариз вуйи государствовийн пешке-

гъяммад Рамазановдиз, Аьгъмад Тагаевдиз ва Нурмугъяммад Пъажимурадодиз кӀури тувну.

Кабардино-Балкарийайин Духовный управлениейин председателъ Анас Пшихачев улхъан йисан декабрин вазлиъ Нальчик шагъриъ йивну гъакӀну.

Къарабудакъент райондин Губден гъулан имам Н.Пъажимурадодиз 2007-пи йисан октябрин вазлиъ, диндин душмнарин хил'ан гъушну.

Дидин улихънаси,

гъадму йисан июлин вазлиъ, Дагъустандин муфтийин заместителъ Къ.Рамазанов ва дугъан гъардаш ади гъябгъюрайи машин дутӀубкӀну, дурар къюридра ихъ арайиан гъушну. Хъа 2 йислан, 2009-пи йисан майдин вазлиъ, Дагъустандин муфтийин кюмекчи Аь.Тагаевра йивну гъакӀну. Думу экстремистарихъди гъабхру женгнаъ кӀулиъ айир вуйи.

www.islamdag.ru

«Ислам» журнал гъарурин хулаъ ибшри

«Ислам» журналин 2011-пи йисандин сабпи нумра удубчӀвна. Думу цийи журналийи ухъу гизаф макъалайрихъди таниш аӀура, гъадму гъисабнаан Раби уль-аввал вазликан, ва хусуси вуди ихъ Пайгъамбарикан гъядисдиъ гъацира мусурман кас, фици вари терефариан аьгъюр духъну ккундуш, дибикӀна. Му журналийи ахъю гъюкуматдин гизаф регионарикан мялматвалар тувра.

Журналин коллективди думу ляхин дикъатвалиинди ва урхрударин фикрарра ишлетмиш аӀури бикӀура. Му гафар думу журналин тираж 150 000 экзemplар вуйивали тасдикъ аӀура. Хъа думу газат дурхну, дидкан мянфяаьт гъадабгъдар, гъелбетда, хъанара артухъ ву.

ИншаАллагъ, гъаму нумрайира урхрудариз шадвал ва мянфяаьт тувиди.



Мевлюд утканди урхъбан талит кӀулиъ гъубшну



Мягъячгъала шагъриъ 9 мартди Дагъустандин Исламдин университетди (ДИУ) мевлюд урхъбан талит кӀулиъ гъубшну.

Душваъ му университетдин вари филиалариан студентар иштирак гъахъну. Талит къюб турнакан ибарат дубхънайи. Сабпи турихъ университетдиан жуударстар гъядягъну, саб группа гъапӀну, хъа къюбпидиъ – вузарин арайиъ вуйи талит кӀулиъ гъубшну.

Талит шубуб дережайикан ибарат дубхънайи:

- 1 – вари группайи урхру мевлюд;
- 2 – группайиан сар касди урхуб;
- 3 - Пайгъамбарин () уьмрикан ктебтувал.

Му талитнаъ шубубпи йишв Къизлярин филиалиан вуйи командайи гъадабгъну, къюбпидиъ – ДИУ-1, хъа му талитнаъ ДИУ-2 команда гъалиб гъахъну.

Вари иштиракчйириз пешкешар тувну. Гъалиб гъахъидариз гъяждиз гъягъюз кюмек апӀиди.

www.islamdag.ru

Огни шагъриъ мажлис гъабхъну

5-пи мартди Огни шагъриъ алимарин мажлис кӀулиъ гъубшну. Мажлис ачмиш ва кӀулиъ гъубхну Огни шагърин имам – Мугъяммад-Рамазан Ражабовди. Гъацира думу мажлисдиъ Сулейман-гъяжи Тагибеков, Мугъяммад-Закир Юсуфов,

Къурбан-гъяжи Рамазанов, Давуд Тумалаев, Сиражуддин Къурбанов ва гъж иштирак гъахъну. Му мажлисдиъ дурари ихъ диндин жюрбежюр суаларикан гъулхну.

Къурбан-гъяжийи гъийин девриъ учӀру дубхънайи месэлайикан

– никъягъ аӀуваликан ктебтну. Дугъу жмаьтарикан му месэлайиз асас фикир тувувал ккун гъапӀну.

Му мажлисдикан инсанариз гизаф мянфяаьт гъабхъну. Гъит Аллагъди (*) ухъу гъякъ рякъ'ин мудам апӀри! Амин.

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ</p>	<p>Заместитель муфтия РД Махди-хаджи МУТАИЛОВ</p> <p>Главный редактор Айна (Патимат) ГАМЗАТОВА</p> <p>Редактор Ансар РАМАЗАНОВ</p> <p>Канонический редактор Мухаммад-Рамазан РАДЖАБОВ</p> <p>Художник Саид САИДОВ</p>	<p>Дизайн, вёрстка Лейла ГУСЕИНОВА</p> <p>Менеджер Абдусабир АХМЕДОВ</p> <p>При перепечатке ссылка обязательна. Набрано и сверстано на компьютерной базе газеты «Ас-Салам».</p>	<p>Газета зарегистрирована Федеральной службой по надзору в сфере связи, информационных технологий и массовых коммуникаций. Свидетельство о регистрации ПИ № ФС 77-42079 от 24 сентября 2010 г. Отпечатано в ООО «Дом печати» по адресу: пр-т Акушинского, 20. Заказ № _____</p> <p>Тираж 2.800 экз.</p>	<p>Сдано в печать 17 марта 2011 г. в 18:30</p> <p>Адрес редакции 367015, РД, г. Махачкала, ул. Азиза Алиева, 2. По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале - (8722) 914-222. E-mail: info@assalam.ru; www.assalam.ru</p>
--	---	---	---	--

Газат урхрударин суалариз жаваб туврайир ДУМД- дин экспертний отделин гъуллугъчи Мугъяммад- гъажи МЯГЪЯМЕДОВ ву

- Фуну вахтна «Бисмиллагъи ррагъмани ррагъим» пуз хай шулдар?
- Бисмиллагъ пуз хай шлу-даршлу 4 жорейин шартлар а: 1) важиб вуйи, 2) Сунна вуйи, 3) гъярам вуйи, 4) карагъат вуйи шартлар. Месэла:
1. Фунуб вушра гъудгний сура «аль-Фатигъя» урхруган, бисмиллагъ пуб важиб шулу.
2. Фициб-вушра хай шлу ляхнихъ хъюгъруган, бисмиллагъ пуб Сунна ву, месэла, уьл ипруз, гъудгнин жиклуз, дарс урхуз хъюгъруган ва гъ.ж.
3. Гъярам ляхнарихъ хъюгъруган, бисмиллагъ пуз гъярам ву, месэла зина апируган, фу-вуш гъитлибкIруган, арагъ убхъруган. Эгер шли-вуш зина апируган аьлхъюри бисмила гъапиш, думу къфир шулу.
4. Карагъат вуйи ляхнар апируган, бисмиллагъ пуб карагъат ву, месэла, саб себебра адарди чан аьвратдихъинди лигуб («Фатгъуль Аьллам»).

- Ихъ Пайгъамбар ﷺ имбу пайгъамбарихъан фицдар лишнарининди тафавутлу шулу?
- Ихъ Пайгъамбар ﷺ имбу пайгъамбарихъан тафавутлу апиру лишнар гизаф а, дурарикан варитIан асас вуйидар:
1. Ихъ Пайгъамбар ﷺ вари пайгъамбарикан варитIан багъаллу ву.
2. Думу вари аьламдихъна гъаънайир ву: инсанарихъна, жинарихъна, къанажагъсуз шей'арихъна, хъа имбу пайгъамбарар фунуб-вуш саб халкъдихъна гъаъри гъахъну.
3. Думу аьхиримжи Пайгъамбар ﷺ ву, дугъан къяляхъ пайгъамбарар хъидар.
4. Думу бадали жил таяммум апируз шлуганси марцц гъапишу.
5. Душмариз ихъ Пайгъамбарихъан ﷺ гучIуйи, дурарин арайиш гизаф манзил ади гъабхънушра («аль Аькъидатуль исламия»).

- Узуз Ислам къабул дапIнаи урус риш швушвди гъадагъуз ккундузуз. Дугъаз гага адар, хъа чве христианин ву. Учу мягърамдикан фу дапIну ккунду?
- Мусурман риш швуваз (жилириз) тувуз анжагъ мусурмандизтIан ихтияр адар. Эгер гъациб ихтияр адру мусурман кас адарш, думуган гъадму риш швуваз мистан имамди ясана дугъан заместители тувру («Тугъфат уль мугътадж»).

- Эгер жилири хпир гъярамвалиинди гъазанмиш гъапибдиинди уьрхюруш, хпирихъан чаз тIалакъ тувувал ккун апируз шулин?
- Эгер жилири хпир гъярамвалиинди гъазанмиш гъапибдиинди уьрхюруш, вая дугъан жара гъялалвалин хпир уьрхюз шлуб фукIара адарш, хпириз тIалакъ ккун апируз ихтияр а, хъа жилири тIалакъ тутрувди гъахъиш, дугъаз имамдихъанмина тIалакъ гъадагъуз ихтияр а («Иаьнату Палибин»).

- Гъелелиг гъиджаб (мусурман палат) алабхъну адру, хъасин сумчрин къяляхъ думу алабхъру риш швушвди гъадагъуз хай шулин?
- Шариаьтдиз асас духъну нюкгин гъякънаан вуйи йикърарий шуру учв ккеркку ккунду кIурувалин шартI адар, ва гъаддиз, эгер имбу вари шартлар кIулиз адагъураш, гъадму шурахъди нюкягъ апируз шулу, хъа амма думу гъадму шуру гунагъ деебтурадар кIуру гаф дар. Фициб дюшюшдиь вушра, гъадму риш, чан маш ва хиларин тIубар ктарди, имбу вари йишвар ккеркуз буржлу ву.

Гъюрматлу мусурман гъардшар ва чйир!
Нагагъ учвуз ихъ мусурман диндихъди аьлакьалу вуйи месэлийрикан гъаври адруб гъерхуз ккундуш, ясана «Ассалам» редакцияйиз вуйи суал аш, зенг апинай 8722-63-41-85
Учхъан шлубдин, иншаАллагъ, учу кюмек апилича ва ичв гъуллугъар тамам апируз чалишмиш хъидича.

- Хюни ккибтруган никкдик хюндин жвур кубкънуш, никк нажас шулин?
- Му дюшюшдиь аьфв апиру ва думу ишлетмиш апируз хай шулу («Фатгъуль Аьллам»).

- Жара пайгъамбарина салават урхуб Сунна вуйин?
- Жара пайгъамбарина салават урхуб Сунна ву, эгер сабпи ражну ихъ Пайгъамбарина ﷺ салават хуруш. Аммаки сабпи ражну, ихъ Пайгъамбарина ﷺ дарди, имбу пайгъамбарина салават хуб карагъат ву («Фатгъуль Аьллам»).

- Ихъ Дагъустандиь Пайгъамбарин ﷺ Мугъяммад кIуру ччвурназ саспидари «Мага, Магомед, Махаммад» кIуру. Гъамци пуз хай шулин?
- Пайгъамбари ﷺ гъапну: «Шлиз бай гъахънуш ва дугъу дугъаз узухъна вуйи ккунишин улупури, ва йиз ччвурнакан берекет гъадагъуз кIури, Мугъяммад кIуру ччвур тувнуш, думу чан балихъди женнетдиь хъиди». Жара гъадисдиь Пайгъамбари ﷺ гъапну: «Эгер учву ичв веледдиз Мугъяммад кIуру ччвур тувнуш, дугъаз йивну ккундар ва думу саб фтихъкIара мягърум мапIанай». Гъаму гъадисариан ухъуз аьгъю шулхъуз, Мугъяммад кIуру ччвур али касдиз гъюрмат дапIну ккуниваликан. Му ччвур иливну, хъасин «Мага, ясана Махаммад» кIуруш, думу Пайгъамбариз ﷺ гъюрмат дарапIрубси гъисаб шулу («Фатгъуль Аьллам»).

- Эгер духтри гъалатI деебтбидинди инсандиз зарар гъабхънуш, гъадму аьгъвалатнагъ дугъаз гунагъ шулин?
- Духтри чав деебту гъалатIназ дилигну, гъациб къадарнаан гунагъ хъибди. Эгер гъалатI деебтбан натижайиь гъадму касдин бедендиан саб пай (орган) пуч гъабхънуш ясана думу либувал дейибгънуш, гъаддиз дилигну дугъу аьзарлу касдиз шариаьтдиз асас духъну гъякъи тувну ккунду.

- Фицдар лишнарининди инсан диндихъ хъайир вуйиваликан аьгъю шулу?
- Инсан диндихъ хъайир вуйиваликан улупру 4 лишан а: 1 - агълю суннайихъди гъягъювал, 2 - Ибадат Аллагъ ﷻ бадали апиуб, 3 - Шариаьтдин фарз ляхнар тамам апиуб, 4 - Гъярамвалихъан ярхла хъуб («Фатгъуль Аьллам»).

- Пайгъамбариз ﷺ варитIан кыматлу, багъаллу салават фунуб ву?
- ВаритIанна багъаллу салават - салават «Салатуль Ибрагъимия» ву, яни «кама салайта...», думу «аттагъийатдин» къяляхъ салам тувайиз урхури шулу («Фатгъуль Аьллам»).

- Эгер саб сужда, ясана къюб сужда гъапинош кIури шаквал гъабхънуш, сабсана сужда апируз хай шулин?
- Му дюшюшдиь сабсана сужда дапIну ккунду, хъасин гъудгнин аьхирий «ас-сагъв» суждара апиуб ужу ву («Нигъятуль Мугътаж»).

- Фунуб кыматлу ву: «алгъямдулиллагъ» дарш «ла илагъа иллаллагъ»?
- Саспи аьлимари «алгъямдулиллагъ» «ла илагъа иллаллагътIан» кыматлуб ву кIуру, ва дурари, далил вуди, Пайгъамбарин ﷺ гафар дупна: «Фуну касди «ла илагъа иллаллагъ» гъапиш, дугъаз 10 ужудар ляхнар диклиди ва 10 харжи ляхнарин аьфв апилиди. Хъа фуну касди «алгъямдулиллагъи Раббилъ аьламин» гъапиш, дугъаз 30 ужудар ляхнар диклиди ва 30 харжидарин аьфв апилиди. Хъа бязи аьлимари «ла илагъа иллаллагъ» «алгъямдулиллагътIан» кыматлуб ву кIура ва мидиз далил вуди Пайгъамбарин ﷺ гафар хура: «Женнетдин ачар - «ла илагъа иллаллагъ» кIуру гафар ву». Гъацара Пайгъамбари ﷺ гъапну: «ВаритIанна кыматлуб, багъалуб Узу ва имбу пайгъамбарарира гъапиб - «ла илагъа иллаллагъ» ву» («Фатгъуль Аьллам»).

- Йиз жилир гъазанжариз гъушур анжагъ къюд йислан къяляхъ гъафну. Гъадму вахтна дугъу узуз хъайивал гъапинош. Гъадму къюд йисандин мудатнагъ дугъу узуз тутрувуб гъамус тувну ккундин?
- Шариаьтдиь ачухъди ва гъаврий шлуганси, хпар фтихъди ва фициб къадарнагъди саб саягънининди тямин дапIну ккундуш, дибикIна. Хъа амма жилириз гъадму улупнайи искан къадартIан артухъди вуйи пай сабси тутрувишра ихтияр а, хъа амма фуну дюшюшнагъ вушра, варибдиь барабарвал дубхъну ккуниб ву (суннат). («Тугъфат уль мугътаж»).

Рузнама
Апрель

Йингъ	Гъиринд. Ас-Субгъ.	Ригъ гъудуб.	Лисундин Аз-зугър	Гъаркван. Аль-аьср	Лавлан. Аль-Магъриб	ХъитIирхв. Аль-гIишаъ
1	4:54	6:29	13:00	16:32	19:20	20:49
2	4:52	6:27	12:59	16:33	19:21	20:51
4	4:48	6:24	12:59	16:34	19:23	20:53
6	4:43	6:20	12:58	16:35	19:25	20:56
8	4:39	6:17	12:57	16:36	19:28	20:59
10	4:35	6:13	12:57	16:37	19:30	21:02
12	4:31	6:10	12:56	16:37	19:32	21:05
14	4:27	6:07	12:56	16:38	19:35	21:08
16	4:23	6:04	12:56	16:39	19:37	21:11
18	4:19	6:00	12:55	16:40	19:39	21:14
20	4:14	5:57	12:54	16:41	19:42	21:18
22	4:10	5:54	12:54	16:41	19:44	21:21
24	4:06	5:51	12:54	16:42	19:46	21:24
26	4:02	5:48	12:53	16:43	19:49	21:27
28	3:58	5:45	12:53	16:44	19:51	21:31
30	3:54	5:42	12:53	16:44	19:53	21:34